

ELKARRI-REN BAKE KONFERENTZIA. Bilboko Euskalduna jauregiak hartu zuen igande eguerdian Elkarri-ren Bake Konferentziaren hasiera. PP ez zen bertan egon, eta Elkarri-koek alderdi horren parte-hartzea bilatuko dute aurrera begira.

Joseba Arruti | BILBO

Elkarri-ko arduradunak «pozik» daude Bake Konferentziak herenegun Bilboko Euskalduna jauregian egindako lehen urratsarekin, eta alderdi politiko zein gizarte eragileek bertan izan zuten parte-hartze mailarekin. Jonan Fernandez gizarte mugimenduko koordinatzaileak atzo EGUNKARIARI adierazi zionez, «Konferentziaren hasierarekin gustura gauden arren, ez dugu etxafuegorik bota nahi, aurretik zailena geratzen zaigulako».

Izan ere, Fernandezek berbetan, domekan abiarazitako sei hilabeteko prozesuak sendotasunez aurrera egin eta Bake Konferentziak emaitza aberatsak eman ditzan PPren parte-hartzea beharrezkoa izango da: «PPren parte-hartzerik gabe agian posible izango da aurre-rapausoak ematea, baina arazoa konponbidean jarri nahi badugu beharrezkoa izango da guztiok Konferentzian egotea», esan zuen Elkarri-ko koordinatzaileak. Fernandezek arabera, gizarte mugimenduak «ez du itxaropenik galtzen» popularrek aurrerago prozesuarekin bat egin dezaten, eta posible ikusten dute «PPren ikuspuntua aintzat hartzeko moduren bat» bilatzea.

Bestalde, sozialistek Konferentziaren aurrean agertutako jokabidearekin ere pozik agertu zen Fernandez: «Guk laguntza eskatu diegu politikoei prozesu hau aurrera ateratzeko, eta PSE-EEren aldetik jasotako erantzuna oso positiboa izan da eta aurrerapauso garrantzitsutzat jotzen dugu».

Aurrera begira, hamabost egun barru inguru hasita, martxo bitartean Bake Konferentziak izango duen lan dinamika zehaztu zuen Fernandezek: «Alde batetik sei-zortzi moderatzailearen isileko ikerketa lana egongo da; eta, bestalde, guk lan publikoari ekingo diogu mahai inguru, hitzaldi eta bestelakoekin, gizartearen parte-hartzeari bidea zabaltzeko». Horien guztien xedea «hausnarketarako errespetuzko giroa sortzea» izango dela nabarmendu zuen Elkarri-ko kideak.

Erreakzio kontrajarriak Konferentziaren inguruan

Bake Konferentziaren lehen saioaren ostean, hainbat iritzi kontrajarri plazaratu zituzten atzo zenbait erakundek eta al-

PP egon ez arren Konferentzia ondo hasi dela dio Elkarri-k

Aurrera begira, popularrek «eroso» parte hartzeko formulak bilatuko dituzte

HASIERA EKITALDIA

la alderdi guztietako kideak bildu ziren Euskaldunan

Elkarri-ren Bake Konferentzia herenegun hasi zen, Bilboko Euskalduna jauregian egindako ekitaldiarekin. Bi mila lagunetik gora bildu ziren gizarte mugimenduaren ekimenari atxikimendua adierazteko. Bertan egon ziren, besteak beste, Joseba Egibar eta Gorka Agirre (EAJ), Gemma Zabaleta, Odon Elorza eta Victor Garcia (PSE-EE), Pernando Barrena eta Joseba Alvarez (Batasuna), Begoña Errazti, Rafa Larreina, Begoña Lasagabaster eta Joseba Azkarraga (EA), Javier Madrazo eta Oskar Matute (EB-IU), Pablo Mosquera (UA), Milagros Rubio (Batzarre), Richard Irazusta (Abertzaleen Batasuna) eta Julen Madariaga (Aralar), Jose Elorrieta (ELA), Txutxi Ariznabarreta (LAB), Maite Aristegi (EHNE) eta Xabier Mendiguren (Konseilua).

Elkarri-ko koordinatzaile Jonan Fernandezek Euskalduna jauregian bildutako kideei esan zien, Bake Konferentziaren xedea «egungo krisitik ateratzeko elkarren arteko joko arauen inguruan» alderdi politikoen artean akordio bat bilatzea izango da. Hala, «akordioa ez da erretorikoa izango, egoera aldatzeko balioko duten bizpahiru urrats egitea ahalbidetuko duena baizik». PPri buruz zera esan zuen: «Konferentzian egon daitezen haien zuzeneko modurik erosoena bilatuko dugu».

Ekitaldiko antolatzaileek iragan otsailaren 11n ekimena ezagutarazi zutenetik jasotako atxikimendua nabarmendu zuten. Guztira 50.847 sinadura bildu zituzte, eta euren esanetan horrek erakusten du «gizarte honetako zati handi batek» ez duela etsiko bakea lortu arte.

derdi politikok. Nafarroako Gobernuak, esaterako, «adi-adi» dagoela jakinarazi zuen Nuria Iturriagaitia bozeramailearen bitartez.

Hala ere, UPNko kidearen hitzetan, ezin daiteke bake konferentzia batez hitz egin «horrek gerra dagoela esan nahi duelako, eta gure ustez gerrarik ez dagoelako: askatasunaz hitz egin beharko litzateke». Izan

ere, «batzuek nahi dutena adieraz dezakete, eta besteak ezin dugu esan pentsatzen duguna eta nahi duguna».

Eusko Jaurlaritzako bozeramaile Josu Jon Imazek etorkizunean PPk Elkarri-ren ekimenarekin bat egitea nahiko lukeela adierazi zuen, modu horretan «guztionezako bizikidetza proiektu baterantz abia gaiten».

Donostiako alkate Odon Elorza Euskalduna jauregian izan zen herenegun, eta «pozgarri eta ilusionagarri» iritzi zion Konferentziaren hasierari. Elorzak jakinarazi zuenez, lan-kidetza estua eskainiko dio ekimenari, «edozeini gustatu edo ez gustatu».

Azkenik, Rafa Diez Usabiaga LAB sindikatuko idazkari nagusiak ere Bake Konferentzia izan

taldian egoterik izan, baina bideo baten bitartez zuzendu zitzaizen Bilbon bildutako kideei. Bere hitzetan, «eseri eta hitz egiten hasi beharra dago, eta lehen akordioa diferentziak errespetatzea izan behar da».

Azkenik, Manuel Vazquez Montalban idazleak adierazi zuenez, «30 urteren ostean, gizarte zibilak elkarriketa behar duen konpromiso baten alde egin du, eta beharrezkoa da autodeterminazioa bezalako kontzeptuak sozializatzea».

zuen hizpide atzo. Diezen irudiko, «beharbada ez da izango bakea lortzeko foroa, baina seguruenik elkarriketaren bidez ikuspegi batzuk hurbiltzeko balioko dezake». Dena den, Diez Usabiagak nabarmendu zuenez, «testuinguru politiko honetan beste mota bateko eztabaidak egin behar dira alderdien eta beste sektore batzuen artean».



INIGO AZKONA

Jonan Fernandez, herenegun, Euskalduna jauregian bildutako gonbidatuei hizketan.